

24072  
=7

秋左堂集卷二

梅泚詞下

嘉定孫致彌凱似填

過龍門 醉後示  
顧子豐

鯨吸擽千鍾面鐵難紅掀髯長嘯海天空四十年來  
無所恨最恨秋風蹤跡鎮飄蓬劔吼雙龍可憐隨  
我尚塵封莫把神仙為退步誤了英雄

清平樂

夜香消袖樺燭懸紅豆坐聽蓮花催刻漏怎避愁來  
時候 斝樽對影孤傾沉吟薄醉難成擬做還家好



夢奈他梧葉秋聲

琴調相思引

繆念齋侍講  
席上觀伎

瞥見驚鴻下錦茵  
輕於迴雪軟於雲  
綠么聲裏飛盡  
杏梁塵  
綺席可堪人落魄  
嬌歌偏引客消魂  
這回  
沉醉不獨爲芳樽

夏雲峰

夏日游心航山  
道院用樂章韻

亂松深映解籜新  
篠萬綠沉沉乘興漫携柳標散步  
溪澗石扉雲鎖嵐翠滴暗濕衣襟  
絕頂聽瑤天鶴駕  
吹下仙音  
坐來漸減塵心對紅槿  
一枝將謝難禁

多少壞牆醉墨雨  
剥苔侵小年  
長日誰伴我鳥語蟬  
吟準擬向蒲團夢蝶消受清陰

驀山溪

雪後過仙霞嶺作

越溪帆卸屏障圍  
群岫正殘雪初晴  
聽遠近琤琮鳴  
溜紅紛綠駭寒樹  
尚青蔥梅花瘦  
蘭芽秀不似嚴冬  
候  
虎牙吹笛恰喜消兵後  
石磴失巉巖  
歎重來關  
山非舊徘徊今昔欲勒景陽銘  
休回首須緘口且醉

番茹酒

閩人以紅薯蘆釀  
酒謂之番茹酒

夜行船

己未冬南歸京江登舟一  
日夕便過澣野喜而有作

浮玉峰前蘭棹艤喜而今果然歸矣雁齒橋低魚鱗  
浪淺漸有鄉音入耳 一夜風添帆腹駛報郵籤看  
看鶴市應是天公也憐遊子早使倚閭心慰

步蟾宮

用山谷體題  
趙承哉小像

龍鱗樹老濤聲細碧浪外千竿鳳尾看依然人在水  
晶宮只欠个鷗波亭子 科頭拍袒閒遊戲領略徧  
煙霞滋味但愁他蟾窟桂柳衙花又催入軟紅塵裏

江神子

題紀將  
軍廟

靈風蕭颯古祠幽倚荒丘枕寒流曾記滎陽黃屋早

安劉綰豨黥彭誰不死君一死獨千秋 楚歌聲斷  
楚江頭地全收恨才休何事高皇恩薄未相酬須信  
英雄拚報國原不為覓封侯

憶秦娥

東堂  
體

恨恨恨斷無來信書回又惹愁蛾皺不開 相逢雖  
約燒燈夜只恐因循也歸遲莫怪鸚哥解罵伊

霜天曉角

遠寺疎鐘更霜前早鴻幾許暗蛩心事都說向月明  
中 寒空聽不窮怪他牕外風不去天邊吹恨來枕

畔響衰桐

好事近

效樵歌  
漁父圖

夾岸軟塵紅不到水蒨花側只有白鷗黃鶴當煙波  
賓客 醉來暎網枕寒流夢冷罷橫笛苦被碧翁央  
我管江天秋色

其二

獨把釣魚竿畫裏晚秋時候錦樹白蘋佳處壓尋常  
花柳 煙蓑雪笠足生涯一醉復何有但愛綠沉江  
水變松醪春酒

其三

明月上蘆花忽照打魚船尾驚起綠蓑秋夢向浴鳧  
沙觜 粼粼淺碧縠紋平天影淨如洗只道海槎浮  
去入廣寒宮裏

其四

黃雀雨才晴懶婦舞風爭拜吹起拍天腥浪只漁舟  
無碍 片帆轉側任西東篷底舵牙在隨分北垞南  
堰有青帘堪買

其五

雪壓短篷偏陡覺夜來寒峭臘有瓦盆殘酒把竹罌  
傾倒一天水墨淡模糊雲外雁聲小雖不得魚也  
可且寒江垂釣

其六

潮信過中秋湧起雪濤如屋繫纜荻花洲畔看鷗群  
爭浴生來幸不讀詩書小海是何曲聽說蠲鏤遺  
恨也淚珠盈掬

其七

薄暮起笭箬比目膾殘無數別有錦鱗澆滷向漁翁

如訴醉中冷眼識蛟龍決網放教去一任藥師騎  
却到人間行兩

其八

生不識城闔只在綠波生長夢到萬松深處聽牖門  
潮響呂郎入市換柴歸粃粃午相餉說道画堂都  
改但烏篷無恙

其九

先世父隱居江上  
自號爲楓笠釣叟

楓笠舊家風泛宅那論近遠買个釣輪如月趁虹蜺  
爲線茫茫那處是珠宮狂客不須伴直擬跨他鰲

背問蓬萊清淺

其十

才逐早潮來又趁晚潮回去鄉里別無名號老松江  
漁父 羊裘不著釣無鈎閒却賣魚鼓笑把半生心  
事度賞洲新譜

洞仙歌

辛酉  
中秋

欄庭影薄受蟾光斜漏點綴雲消皎如晝記尋常庭  
院親捧潘輿而今但贏得啼痕沾袖 客中曾幾度  
對月無眠夢斷門閣恨迤逗甚家園花下恁好良宵

却誤我舞綵今生難又較不及年時在他鄉還有個  
歸來再逢時候

清平樂

賀友  
新婚

團圓人說比似雲中月子細形相還自別只恁長圓  
無缺 合歡暈綠成陰熏風輕拂珠琴恰有蓮花並  
蒂伴他梳子同心

解連環

大年以南歸贈言見示慨念舊遊五疊  
武曾韻題其後兼寄呈見懷諸君子

乍收梅雨把一編驪唱頓添悽楚漫屈指京雒遨遊  
惹春渚桃花夢魂來去東閣西清更柏府梧垣水部

記車茵吐後笛步醉餘共論心處。殷勤問無恙否。  
只五湖三畝城鄰。鰕虎搨擋取松醪。桃笙就竹影荷。  
香拍浮消暑。回首停雲恰細擘。一天晴絮最難忘白。  
傳宮碁吾工格五。

洞仙歌

調高  
槎客

熏爐鳧藻借南枝香遠。社結鴛鴦自春暖。有飛迴青  
雀錦字銜將。油壁駕迎取秦簫仙伴。佳期頻屈指。  
莫呪紅輪已是寒天。恁般短却扇。促題詩。漬粉研螺  
也儘。殼妝樓消遣。便再向樽前遇娟娟。料不暇憐他。

翠釵花辨

慶清朝

漳州酬李  
理菴司馬

蟬葉煙深鳧花香。釀相逢。汶上春晴留髧飲散無端。  
燕雁分征。一自驅車鴨綠。君旋叱馭向蠻城。遙相憶。  
夢魂無據。月黑楓青。誰料丹霞嶼裏對木棉紅萼。  
重話離情。牙頭浙米仍聞橫槊。詩成偏念儒冠誤我。  
年年芳草喚愁生。荷蘭酒馬軍頻送。分付愁醒。

賣花聲

送初  
月

眉樣碧彎環未穩。雲端柳梢斜掛。不禁寒慣向酒闌。

木石堂集卷三  
七  
勾容夢舊板橋邊 歌罷想夫憐影澹霜天照他離  
思上吳船莫怨難圓偏易缺缺了還圓

滿江紅

如此江山歎都付高臺獨足斜陽外烏衣燕去樹殘  
靈谷野燒已消鍾阜紫東風猶染秦淮綠剩傷心狎  
客舊紅牙春燈曲 神識在殘碑讀軍書棄降旛續  
笑雒陽青蓋暫矜南北不待金將龍虎厭枉教井被  
臙脂辱聽前潮夜夜打空城歸鷓哭

瑤臺聚八仙

寄方瓢翁  
用玉田韻

虬浦西灣蒿徑小水檻寫遍苔牋浣花詩思多在第  
五橋邊漢臈芸編親勘了漁磯每繫剡溪船柳吹綿  
冶春樂事偏愛斜川 晚秋避人那處趁白鷗一一  
飛入湖煙釀就松脂吟朋又滿樽前分題鶴鳴子和  
問何似圭塘與月泉鳩茲客望少微星遠雲霧江天  
喝火令

粉厭芙蓉撲衫拋豈蔻熏鳳絃鸞鏡任凝塵偏是曉  
鶯時節偏恁不宜春 曾寄刀環約曾迴織錦文也  
曾紅淚裹羅巾怎不思歸怎不寫書頻怎不瑤姬祠

下借朶夢中雲

踏莎行

庚申夏客三山用高雲容韻寄傅自遠廖袞如關禹書甫田家翰先諸子

客思瞢騰歸期擔擱愁看迴雁沙邊落六千里外瘴  
煙深高飛不及雲中鶴 帔冷西華履殘東郭蠻雲  
朔雪相思各應憐潘鬢不禁秋鏡中華髮多於昨

其二

綺陌秋千芳郊煙九一春辜負持螯手俊遊渾似隔  
他生倦眠支盡垂楊肘 梅雨晴來榕煙暗後子規  
血盡慵開口饞燈燼暗玉瓶欹釣龍臺下空搔首

金縷曲

辛酉冬過蘿軒故居哭之兼示越江仍用湘舞韻

淚盡山陽路愧平生素車白馬因循遲去小別早知  
成永訣悔不留君同住才判袂兩回寒暑雪夜舟來  
人何在影堂空但泣中郎女千古恨遽如許 枉教  
思夢牽春渚掩雙扉塵凝苔鎖淒涼今雨聞道天公  
嫌才子名壽不教兼取又未信天真嫌否鄰笛聲中  
斜陽短最傷心只共錢髯語誰更忍唱金縷

醉春風

竹笑青鞭嫩絮舞香毬褪小樓長似鳥窺籠悶悶悶

吐綬貪眠画眉慵喚一般兒悶。那有清歡分只與  
閒愁近小牕還似女懷春困困困鬪草遲歸吹花無  
力更添些困。

邁陂塘

題鑑湖  
可園圖

未須論千峰萬壑湖天別領幽趣樵風欸乃烏篷小  
吹入藕香葭露鷗與鷺愛鑑曲煙波慣傍苔磯住仙  
橋細路認林隔柯亭堰連沉釀沿月棹歌去。奚囊  
句鄉夢近來無數偏驚櫻筍時序柳綿飄盡秧針短  
負却書樓聽雨難忘處第一是趨庭把卷揮鋤語憑

教画取問可許吳門逃名市卒來此對衡宇

湘江靜

寄王良輔  
宰零陵

玉竦橋西煙柳細小紅鴛傍花頻繫嬉春消夏過申  
犯卯記番番沉醉斷雁忽南飛照孤影吳淞江尾楓  
凋蟹舍桃烘燕簾書謾寫倩誰寄 結授初登啓事  
向蠻城碧湘清泚愚溪舊徑唐亭勝賞看風流須繼  
舞石拂晴雲動多少酒懷吟思祇憑好夢尋君共問  
武陵源水

八歸

鄭桐源為我画  
松坪梅泚圖

羅浮月下天台橋畔仙夢幾時飄墮棲丘飲谷真吾  
事還愛健松蘿掛瘦梅苔鎖小築團焦香雪裏向謾  
謾濤聲中坐怕舍北綠漲桃波舴艋再添箇 多謝  
襟期鄭老丹青深意却替山靈招我鶴巢高樹雀爭  
踈影但少幽人雲臥歎因循旅食算盡歸期甚時果  
閒商略結廬何處只有潭西溪山如画可

邁陂塘

隲括琵琶行

向潯陽江頭秋夜荻花催送行客忽聞水上琵琶語  
添酒迴燈呼出聽掩抑漸切切嘈嘈暗恨幽愁極江

心月白正裂帛聲停東船西舫人語夜深寂 平生  
事整頓衣裳重述紅綃無數消得空船老嫁浮梁估  
舊夢闌干頻憶絃轉急况同是天涯淪落傷遷謫相  
看掩泣但最有青衫江州司馬襟袖淚痕濕

占春芳

楊柳月桃花雨第一可憐宵恰稱合歡窗畔璧人並  
倚鸞簫 九子玉鈴搖穩雙棲翡翠蘭苔黛螺斟酌  
遙山碧親寫眉梢

甘草子

逃禪體

春夜月上花梢轉過朱闌也但照海棠開莫照櫻桃  
謝 鬢濕杏煙梅妝卸最怕被風光牽惹誰傍牆匡  
太無藉把玉笙吹者

傷春怨

解事垂楊樹不肯輕吹香絮直到春將去糝徧鈿轅  
來路 襯他緇鈎步小立天桃暮春不爲人留人却  
被花留住

梅子黃時雨

贈可園

梅雨廉纖看樓角揀花時罨蛛網笑硯北人閒孤吟

誰賞紫筍茶香紅象管故人好事頻相餉憐疎放軟  
語夜闌同抱霞想 歸夢長隨烏榜問煙波一曲鷗  
鷺無恙料綠浸漁磯葡萄新漲花露浮缸菹菜滑約  
他年定緣溪訪傾家釀共聽鑑湖漁唱

臺城路

寄王璞菴

慈仁松下班荆醉分飛便逾三載賣畚吹簫吳根越  
角何處偏多感慨煙波欸乃有劔客詩仙幾人同載  
脫贈純鈎至今猶繫鬧裝在 應憐狂態未改但無  
端歌哭深意誰解筑斷燕臺樽空魯國贏得西州淚

灑牢愁怎解算只合從君白蘇頻買孫楚樓邊亂紅

春似海

劉乾如歿於燕葉學亭歿於魯皆吾兩人知己也白蘇金陵酒名

漁家傲

用杜安世體

燕尾輕船剪綠波黃姑灣路也無多聽盡芭蕉梅雨

過歸未可流螢又上絺衣坐縱使新秋得去麼荷

花生日已蹉跎辜負碧筒傾白墮真是錯從今莫受

雕籠鎖

吳俗以六月二十四日為荷花生日

望海潮

夏日曹綠岩招集南園同孟繹來宮諭作

鄭公鄉畔香山池上幽探別啓岩扉扶杖問花移牀

就竹薜蘿共挂絺衣雁齒小橋低映曲廊倒影干萼

紅薇暗水通潮碧痕新漲上苔磯相携不醉無歸

笑黃塵襪襪多少炎威金谷酒籌香檀曲譜銅池佳

景看棋荷淨納涼時把旅懷愁夢都付深卮一任斜

陽背人轉過數峰西

滿庭芳

前題

密樹吟蟬迴塘浴鷺畫中人在溪堂共携葵扇隨意

百荷香河朔偏宜避暑紅螺殘滿泛鵝黃窮經史閒

搜雅令調笑打占相清狂醒復醉嘯歌互答客主

俱忘愛微雲疎雨句續襄陽一一鶴聲何處暮煙鎖  
樓外垂陽普騰去桃笙角枕猶夢綠天涼園有度鶴樓

掃花庭同孟繹來史簡菴朱拜石曹綠岩集張弘軒樹滋堂即事

清溪曲曲映綠樹濃陰閒門如画柳邊繫馬記頻投  
井轄拍浮消夏置驛留賓肯問江東米價興瀟灑愛  
象鼻碧彎翠液香乍素馨初滿架傍夾竹桃花幾  
枝低亞卷波散打便呼盧也似晉人風雅未了清歡  
別館羊燈早掛醉吟罷看新蟾又窺簾罅

祝英臺近八月十四夜山塘舟次戲以酒令作起句

月朦朧雲靨隼青雀半塘待不掩紋紗不掃遠山黛  
看伊骰子逡巡觴飛千匝總不似曲中情態画橋  
外多少銀粟香毬燈下就船買懶插蟬雲却把酒籌  
代可憐落魄鴟夷黃金未鑄先博得苧蘿同載

甘州朱拜石曹綠岩張弘軒招陪史簡菴及王西園朱猗園張學山集南園珠來閣即事

和西園作

記溪堂消夏共分題十樣浣花箋向荷香乍歇蕉陰  
未減瀟灑涼天恰喜山公倒載同醉習池邊多少高  
陽侶重聚樽前最好西樓西畔正香吹金粟月樹

連蜷漸林梢露滴蛩語咽秋煙任銀虬頻催蓮漏算  
人間清賞此宵偏迴欄外拚教茗芋枕石高眠

露華

詠蕉  
花露

綠天徑暗見鳳尾斜分嫩萼低斂淡泞藕絲羞學美  
人紅艷迎秋一瓣才舒早被露華偷染同心好瑤簪  
十二香苞齊占 蓓花蜜勺休探便荔液蘭膏都讓  
芳釀漢掌一杯涼浸玉屑曾泛鏡檻雀粉初調慣惹  
玉纖親蘸休錯認銀塘半開菡萏

燭影搖紅

辛酉冬過採花涇  
有懷安士寄此

夜雪舟移龍潭東畔寒潮淺小軒井轄慣留髡香泛  
紅螺淺閒把名花品遍笑尋常嬌鶯穉燕樺煙消處  
醉墨爭題羊欣裙練 趙北燕南十年踪跡萍蓬遠  
玉京賣賦暫相逢柳市舒青眼縱向風亭月館總不  
似家鄉繾綣問何時再斫膾羹白波同捲

減字木蘭花

送盛晉人  
重遊燕

去年携手玉竦橋邊桑落酒故里分題五色巴牋冠  
柳詞 而今別我又向鳳凰城下過緩轡春風試數  
宮花幾樹紅

沁園春

和錢越江韻  
贈陸抑存

宣武門邊弟灌兄  
素墳篋互吹自侯  
羸市上君尋屠  
狗無諸城下我策  
斑騅地北天南  
楓青月黑魂夢相  
隨不暫離重携手  
看蘇裘同敝潘鬢  
添絲休嗟寒  
鳥因依且醉拂松  
枝玉屑霏倩蓉炷  
名香濃熏繡被  
蘋雲艷曲擊碎銀  
篋哀樂無端黠癡  
各半似此疎狂  
塵世稀生涯事任  
熊肥蛙瘦鷺飽鷺  
飢

鳳棲梧

宋聲求席上  
同赤厓戲作

水碧煙綃籠鳳螭  
桃葉桃根雜坐觴  
飛匝催唱六么

花十八明珠一串  
瓊盤撒握手目眙  
甘百罰藥味  
杯香笑吸秋雲滑  
菊影莎堦逃酒踏  
露棲翠羽驚啼  
霎

燕山亭

為南康太守祖文水題西園圖園在京  
邸有步祇園如是閣晚聽軒染香室諸  
勝晉人屬  
余賦此

韋曲精廬寫入  
畫圖一片蒼煙鎖  
祇樹影邊錦石周  
遭隨意草亭添  
箇小閣珠龕愛繡  
佛燈光中坐知麼  
有梵夾繩牀六時  
清課還拓晚色軒  
窗聽空外潮  
音珮環聲過藤輪  
慰煖巖桂爐熏曾  
約白雲同臥柱

笏匡山向蓮社重尋香火無那這歸夢故園頻做

東風齊著力

和曹綠岩  
七十自壽

亭築三休圖開九老管領煙霞籬邊嘯傲松菊似陶  
家却憶芙蓉鏡下紅塵軟幾踏東華飛鳧舄燕南越  
角種遍潘花應笑後棲鴉看晚節寒香蔗境堪誇  
百城坐擁脉望作生涯未要鳩筇扶醉揮松塵解散  
籠紗樵陽錄地仙留識早應龍沙

壺中天

小春過也喚蓮鴻試按鶴南飛曲共羨懸車邱壑裏

肯受塵纓拘束硯北清吟樽前新闋娛老風流足白  
公池上笑窺鬢影猶綠最是蟹舍鱸鄉花開燭夜  
缸面醅初熟弟勸兄酬情話好鳳子麟孫如玉寄暢  
蕭閒忘機爛熳愛伴鷗群浴蓬萊五色書雲長進華  
祝

瀟瀟雨

壬子九日陸曾菴招同諸公集丹鳳樓  
分題已一紀矣今秋葉蒼岩學使復有  
登高之約予事阻吳門不赴雨中  
放棹石湖言念今昔慨然賦此

丹樓臨極浦有當年老鐵醉留題記天橫白雁霜酣  
紫纈菊綻東籬曾共山翁把酒彈指失前期倦馬風

塵外每恨歸遲 却喜石林詞伯返秦關使節暫訪

幽棲愛吟朋飲伴秋禊重去呼相携向龍山幾人吹帽

笑興公落拓阻追隨吳山路博羊船散寒雨沾衣吳俗

九日有博羊之戲

甘州酬孔垕秋兼寄朱漪園

鯉魚風葉葉布帆輕南浦訪君來向蒹葭曲港豆花

委徑閒賦秋懷無那同心易散潮落長年催昔昔相

思夢長傍蕭齋 歸鶴萱蘇能寄愛周情柳思雪剪

雲裁奈迴車阮籍蹤跡只堪哀羨江鄉蟹胥鱸膾和

樵歌頻醉酒如淮春光近還期携手臥竹浮梅

解語花

寒夜集艾樞庭齋小史紉迴幼清在座夜分寒甚座客爭解裘覆之戲用樂笑

月地留春霜天借煖解語花雙笑燕嬌鶯小銀燈背

一簇衣香縈抱歌雲舞草肯閒放玉觴空了憑仗伊

翠被鸞篋盡把清愁掃 艾納鑪煙縹緲算醉狂如

許可忘昏曉漏籤聲杳貂裘卸眉語壁人心照多情

熱惱怕寒逼禿襟年少拚半生酒困花迷便向溫柔

老

驀山溪 雲間舟次重送龔之才章涵之還會稽

秋光如此忍送歸帆去鑑曲縱非遙又爭似而今且  
住相留無計一舸漫相追漸離筑繞朝鞭匆匆軍城  
鼓 萍漂流水風捲蘆花絮蹤跡任天涯只炯炯寸  
心堪許人非鹿豕那得鎮同群珀取芥劒成龍會有  
重逢處

摸魚兒

買陂塘旋栽楊柳晁无咎摸魚兒起句也元人圭塘欸乃集皆用此語發端後人或更調名為邁陂塘直是買字訛耳滿洲佟調元叅江寧將軍事築精舍於鍾山之陽燕雀湖畔讀書其中取唐人深柳讀書堂之語顏之亦與无咎語有

合乃用圭塘韻填此調以墨其素壁云

買陂塘旋栽楊柳經心那有塵務依紅泛渌還多暇  
消受三餘窗雨臨釣渚架鹿角匡牀散帙當花嶼松  
梢鶴語道秋樹根頭夜藜影裏無此讀書趣 平生  
志水鑑由來相許毋忘伯仲伊呂不求甚解英雄事  
肯學崔徐章句封陸醕更料理茶經藥對修琴譜情  
深望古待燕雀湖邊揮鉏把卷吾亦學為圃

尉遲盃

范武功填此詞題拙稿謬以夢窗見推且云以錄副本蕭寺雨夕次韻奉酬兼示周冰持囑其為我藏拙也

鼓窗雨暈矮檠紅豆僧寮暮淒淒斷續蛩聲只傍青  
桐凋處歌頭琴緒夢忽到唳鶴灘西渡愛菖蒲五色  
巴牋醉墨巾箱留貯 蕪詞屢誤羊芋唯應比陰晴  
喜怒鳩婦粉黥花蕙風鬟雨鬢不惹段津神妬江楓  
句更何須數漫唐突霜華銀泥譜囑相將顧曲周郎  
莫向旗亭傳去

玉燭新

乙丑下第遇彭椒岩於都門屈指言別  
已及五年偶見談未菴查聲山有賀其  
得子之作輒  
依韻以贈

班荆晴雪後記白苧城西月泉吟就尚書久賜雙鳧

爲底事未尋勾漏紅塵紫陌正連臂踏歌時候却爲  
我泣玉情懷鮫珠濕青衫袖 殷勤且住爲佳問寒  
食花前定成行否鳩喧蟻鬪依舊笑惠子白驢空瘦  
菊芳蘭秀剩添得好詩千首算更有吉夢輸君鳳將  
雛奏

邁陂塘

送周惟念歸吳江  
即爲嶺南之遊

笑周郎勾留七載祇應偏愛香土秋風忽送還鄉夢  
吹傍垂虹煙雨真箇去更不念敝貂孤客誰爲侶蒲  
帆卸處想華髮迎門夜深別有昵昵枕前語 江楓

冷好倩蕤絲牽住休教便逐蠻府枕榔樹底收紅豆  
一一相思須數臨桂浦把金橘生香蕉葉青花譜奚  
囊載取但莫向花田輕拚三斛歸惹綠窗妬

臺城路

送漢瞻歸里兼寄西又賓臣文饒服  
尹秋森方賡樊補諸子次竹垞韻

霜前白雁傳秋信鄉心頓驚孤館驢背囊輕牛腰卷  
重我亦思尋歸伴旗亭飲散羨買得吳船便如操券  
望盡飛雲牽衣真慰倚閭眼 練江片帆初卸正黃  
花迎棹低映楓岸藜杖歌商綸巾墊雨酒客吟朋相  
見拖樓晚飯有八跪傾筐四腮堆椀應對寒林共嗟

歸鶴晚

漢瞻有  
望雲圖

渡江雲

送高雲客  
還候官

螺江雲葉暗芳蘭寄遠別夢五驚秋相逢悲復喜芍  
藥花前沁水更同游雲中犬吠剝蕭條桂樹小山幽  
騎瘦馬居庸古塞老淚為誰流 淹留哀蟬聲咽斷  
鴈行疎又淒涼時候還拚擋縹囊蟬粉旋買扁舟歸  
歟綿上堪偕隱肯教他猿鶴生愁應念我依人猶賦

登樓

余客閩時雲客館中蘭花  
始放嘗折數枝馳餉江干

撥香灰

容若侍中索和  
楞伽山人韻

流鶯並坐花枝亞簾影動合歡窗下綠繡笙囊紫玉  
簫稱鹿爪調絃馬 宣和宮祿崔徽挂恰側畔有人  
如画幾許傷春夢雨愁都付與鸚哥話

貂裘換酒

同用儀雨稼次韻送實均  
道積南歸余亦將出都矣

雁叫清秋節笑無端驪駒互唱鬢絲添雪懷袖漫藏  
三歲字淡墨濃香不滅最惆悵斑駁先發風鐸郎當  
琉璃渡料雲帆楊柳灣頭歇蓬窗映下弦月 霜空  
唳鶴驚離別縱南池還期酒券市樓同折爭奈短亭  
今夜夢心比丁香百結愁城暈荻灰難缺變徵新聲

銀泥譜付紅兒度入陽關疊人半醉砌蛩咽

羽仙歌

詠木瓜爲卞儀之  
水部題許南交画

霜林影薄見枝頭黃露五色東陵笑非伍記喚名能  
却病底事湘山轉觸忤遠客心情酸楚 玉杵鄰鏡  
檻慣惹春纖妝罷蘭膏幾迴撫最憐他雙蛾画了雀  
粉同勻真珠滴香散小槽紅注倩好手丹青寫雲藍  
伴鼠李鴨桃瓊琚報汝

滿江紅

輓納臈  
侍衛

搔首青天問何事偏嫌才子休比似秋蘭易謝琉璃

多脆剪雪揉春人淡宕裁雲縫月詞清麗想謫仙不  
耐住黃塵人間世 斑虬駕青鸞翳蓉城主瑤樓記  
共雲將雀躍丹霄遊戲笛弄斜陽愁客聽琴孤流水  
因君碎忍埋將玉樹著青山情何已

又

蘭綺家聲看朱戶榮傳伊陟向早歲句臚唱第宮雲  
五色鳳詔宣傳螭陛上龍津曲宴雞翹側掌期門三  
十侍中郎東方戟 桃花騎蚤珂勒蓮花鰲鮫珠室  
羨山川聚米烽消沙磧玉塞功名追定遠金城方略

思充國看他年生面畫麒麟千秋績

又

瑤殿春晴見給札凌雲奏賦搖彩筆 至尊親賞文  
場獨步紫鳳天吳光煜爚珊瑚玉樹根蟠互問年來  
待詔滿公車誰堪伍 頌酒德歌琴緒桃竹杖松枝  
塵笑人間漫詫酒龍詩虎共許錦從江令乞還期袞  
待樊侯補甚蒼生望絕士林悲摧天柱

醉春風

題答元彥  
貫酒圖

繫馬垂楊樹金鬮才飛絮文君鑪畔颺青帘去去去

風軟香濃花熏酒醞不如休去 恰比藍橋路纖手  
瓊漿度回眸一笑慣留人住住住玉杵慵尋珊鞭輕  
拂肯教留住

風入松

題辛峰小照旁  
有美人侍立

錦峰雙屐尚湖船詩酒少年緣書成樹作龍鱗老向  
漁村蟹舍高眠慵把諸侯上客換他行地神仙 科  
頭拍袒聳詩肩心事画中傳逍遙避俗携冰雪算知  
音只許嬋娟好賦比紅新句千金博取嫣然

秋左堂集卷三

內姪孫徐來鼎燮元

後學張錫爵擔伯校

姪孫 敬道岸先

秋左堂集卷四 衲琴詞

嘉定孫致彌凱似填

南鄉子

秋夕感懷偶集詞句似西又賓臣大年箕野索和

弱水路三千史達祖風流子當日佳期鵲誤傳晏幾道鷓鴣天乞巧

樓頭雲幔捲歐陽修漁家傲年年周邦彥滿庭芳繡線金針不忍穿

柳永減字木蘭花畢竟不成眠秦觀菩薩蠻怎得而今在眼前

白子諶瑞鷓鴣只有關山今夜月謝逸江城子看看高深甫不管

人愁獨自圓辛棄疾南鄉子

賣花聲集東坡句戲贈

新月與愁煙昭君怨歲歲年年訴衷情相逢一醉是前緣

浣溪紗願作龍香雙鳳撥南鄉子撥弄么絃減字木蘭花彈

破碧雲天訴衷情燭下花前訴衷情曲終紅袖落雙纏浣溪

紗莫使匆匆雲雨散江城子歸去無眠

南歌子客中春盡有懷故園

檉柳枝枝弱杜甫菖蒲葉葉齊曹鄴女湖桃李斷腸時白居易

易吠犬鳴雞幾處皇甫冉燕銜泥韋應物今日思歸客

温庭筠高樓倚暮暉李商隱離魂漸逐杜鵑飛韋莊惆悵青

山綠水韓柳送春歸白居易

少年遊藤花

花南水北雨濛濛盧綸高樹亞東風元稹布葉垂英蕭穎士

絲纏露泣韓偓照在綠波中張仲素一枝低帶流鶯睡

鄭谷魂逐牡丹叢元稹淑景遲遲樂章春融艷艷韓偓沽酒待

新豐李賀

菩薩蠻至夜被酒不寐

年年至日長為客杜甫家在碧江歸不得羅隱今夜月明

前白居易青山隔故園杜甫旅魂驚北雁元稹酒勸盃須

滿李商隱歸思欲沾巾杜審言高堂有老親王維

前調

長安一夜殘春雨鄭谷風吹楊柳絲千縷劉兼有酒共誰

傾白居易相思芳草生韓翃一春春事好韋莊為客無時

了杜甫何日到江東白居易開樽綠酎濃李商隱

臨江仙有寄

白玉堂中遙見後韓偓花開花謝相思同上篋香消盡別

時衣錢珙只應明月見杜牧化作綵雲飛李白試問酒旗

歌板地李賀何年更是來期韓翃玉壺春酒正堪携岑參憶

君長入夢王維寂寞酒醒時白居易

阮郎歸日涉園花下醉作

一年春盡送春時杜牧春風帽帶垂李賀相逢且欲醉春

暉李白香牋詠柳詩韓偓煙淺淺溫庭筠月微微張泌風花

高下飛杜甫懶將紅燭草堂歸元稹穿花露滴衣元稹

羅敷令憶舊

去年花裏逢君別韋應物夕柳光馳樂章山鳥群飛王維風

捲殘紅錦作堆劉兼無端又被春風誤韓愈覺坐而思

上同閒院支頤耿湣花落黃昏悄悄時白居易

小重山偶見

一曲霓裳按小伶白居易隔牆花影動鶯鶯月初生王建碧

天如水夜雲輕温庭筠閒徙倚吳融花袖雪前明李端玉

榼酒頻傾馬戴手持雙豆蔻李商隱識君情張潮春腸易斷

不須聽白居易相思苦王勃愁與醉無醒杜甫

卜算子柳

人道最天斜白居易獨有垂楊樹李益天遣多情不自持

步非烟寒食江村路杜甫羅綺競秋千張仲素春葉參差

吐謝偃立馬煩君折一枝楊巨源不覺愁春去王建

蝶戀花戲贈

夜向蘭堂思楚舞温庭筠明月流光盧照鄰玉漏三星曙

李賀百媚桃花如欲語温庭筠風吹仙袂空中舉李白恐

向瑤臺會作女魚元機風月相知上官婉兒欲得周郎顧李端

唱到竹枝聲咽處劉禹錫已成殘夢隨君去顧况

添字昭君怨集調名

一片垂楊綠意庭院深深朝霽洞庭春色意難忘夢

橫塘南浦漁歌撥棹簇水瑤花芳草貂裘換酒最

高樓踏青遊

漁父家風

漁父家風

春風孌娜柳含煙消息杏花天大江東去江南好如  
夢向湖邊 留客住怨朱絃拍闌干無愁可解望遠  
思歸鵲踏花翻

如夢令 禽言

枝上嘯鶻無數又聽鷓鴣哀訴行不得哥哥畢竟不  
如歸去怎處怎處惱得画眉無語

杖左堂集卷四

外孫程宗魯繼肅

孫壻王夢蘭香祖校

孫 禮雅傳

木石堂集卷四

五

國



